

Bux Neec Genl Langl

Meanh xaux, lix xooix neec ndeeul, xoox deel nauz gueh Jazjinh. Raanz deel hooc, deel xic bail gueh legwoois raanz yuaxwaail ndeeul.

Lix ngonz ndeeul, raanz yuaxwaail deec lix bux hees dauc dangz, baussuc xic baaiz haux haec bux hees genl. Deel xic xaas Jazjinh bail rooh, riangz Jazjinh nauz: “Bux laaux genl goons, bux neec genl langl, xac hohdul genl ieh mengz xaax dauc genl.”

Haadt langl, Jazjinh bail xuangs waaiz, deel xic gah xuangs jongs duez laaux bail genl nyiec, xic jangl jongs duez neec qyuh ndael hooh. Jongs duez waaiz neec xic qyuh ndael hooh raiz heeul rianh leeux.

Xez Jazjinh laih duez daaus dauc xogt deec, baussuc sooh reenl Jazjinh xic hudt nauz: “Jazjinh, mengz banz bah baic bax! Mengz guehmaz xeel jongs duez waaiz neec qyuh ndael xogt mus?” Jazjinh xic haanl baussuc: “Mengz nauz, ‘Bux laaux genl goons, bux neec genl langl,’ gul xic xuangs duez

laaux bail genl nyiec goons, xeel duez neec genl langl.”
Baussuc xic hooznyaz damh deeh leeux.